

Transkription von Urkunde PAR 1394a

Ort, Datierung: Parchim, 1394-07-19

Signatur: Landeshauptarchiv Schwerin, städtisch, ACS 74

Inhalt: Dotierung einer Vikarie

In godes namen amen wȳ borghermeste(re) vnde Radlude der stad tho parchem beke(n)nen vnde betughen ope(n)bar an / desseme breue vor alle den ienen de ene zeen . edder horen lezen . dat wy mȳd gantzer endracht vn(de) vulbort / vnde na rade vnser wȳsesten hebben ghe lecht vnde laten vnde ieghenwardegghen legghen vnde laten en / desseme breue . Tho eȳner ewȳghen vicarien in der kerken tho su(n)te iurien tho parchem dar hans plote de / leenware ane hebben . scal vnde synen r(e)chten erue(n) tho ewȳghen tyden de her nicolaus gruder prester kerk=/here tho der sloten nu heft vn(de) ieghenwardegghen bezȳt teȳn m(a)rk jngheldes lub(escher) pe(n)nȳnghe alze tho parche(m) / ghenghe vnde gheue synt jn deme dorpe tho giscowe dat dar licht an der vȳghedie tho parchem alle iar vp / tho borende thũ su(n)te michael daghe van den hȳuen . vnde vt den hȳuen dar nu vppe zȳtten vnde wone(n) desse / nascreuene(n) lude alze he(n)neke bicherman dede ghift vif m(a)rk lub(esch) . Clawes went vif m(a)r lub(esch) vn(de) van eren / nakomelyngghen de de hȳue(n) buwen vnde de hȳue bezȳtten mȳd aller vrigheyt eghendum vnde nuttecheȳt / An velde . an holte . An watere . an wȳschen . An wȳde . an ackere buwet . vn(de) vnghebuwet . An wegghen . vnde / an vnwegghen . An brũken . an pũlen . An vischerie . mȳd denste . mȳd richte hoghest vn(de) zydest alze an hant / vnde hals . vnde allen brȳke . mȳd aller bede deme beden . edder bydden mach . vrighe tho ewȳghen tyde(n) mȳd / alleme heren rechte . vns vnde vnser nakomlyngghen dar deggher vnde ga(n)s nyght ane tho be holdende jd zȳ / an desseme breue be nȳmet edder vnbenȳmet . vnde hebben des tho tughe vn(de) tho be kantissee vns(er) stad / Jnghezeghel vor vns vnde vor vnse nakomelynghe vor dessen bref ghe hengghen laten de ghe gheuen / vnde screue(n) is na godes bort dusent iar drehu(n)dert iar . an deme veer vn(de) neghentegghen iare des / Sundaghes na sunte margareten daghe der hilghen ju(n)cvrowen